





第六〇三册

四庫全書

●上海古籍出版社

本冊目次

通

典(二)

唐杜佑撰……………一

欽定四庫全書

史部
通典 御製序 目錄
卷二

詳校官侍郎臣李封

編修臣程嘉謨覆勘

覆校官助教臣吳省蘭

校對官中書臣田尹衡

謄錄舉人臣劉圖南

欽定四庫全書

御製重刻通典序

稽古帝王治天下之大經大法以及累朝名物制度因革損益之詳紛綸浩博散見典籍未有統貫唐宰相杜佑於為淮南節度書記時始出己意搜討類次勒成一書名曰通典為類八為書二百卷自唐肅代間上溯唐虞雖亦稍摭劉秩政典及開元新禮諸書要其網羅百代兼總而條貫之斯已勤矣厥後鄭樵廣之作通志馬端臨續之作通考三書並行於世朕以其歷年久遠頗有殘缺特命重為校正刊刻以廣其傳通典實先告竣朕惟三書各有意義鄭樵主於考訂故旁及細微馬端臨意在精詳故間出論斷此書則佑自言徵於人事將施有政故簡而有要核而不文觀其分門起例由食貨以訖邊防先養而後教先禮而後刑設官以治民安內以馭外本末次第具有條理亦恢恢乎經國之良模矣書曰學於古訓乃有獲為國家者立綱陳紀斟酌古今

將期與治同道而不泥其迹則是書實考鏡所必資豈以供博覽而已哉爰揭之以告讀是書者
乾隆丁卯冬十二月

欽定四庫全書

御製書林典故

乾隆十二年六月十一日內閣奉

上諭汲古者並稱三通該學博聞之士所必資也舊刻
謫缺漫漶且流布漸少學者閱焉今載籍既大備矣
十三經二十二史工具告藏其以內府所藏通典通
志文獻通考善本命經史館翰林等詳校而付之剞
氏一仿新刻經史成式以廣冊府之儲欽此

欽定四庫全書

上海

奉

旨開列校刻通典諸臣職名

監理

和碩

和

親

王臣弘晝

武英殿總裁

吏部

右

侍

郎臣德齡

兵部

左

侍

郎臣王會汾

國子

監

祭

酒臣陸宗楷

欽定四庫全書

通典
職名

提調

署 日講官起居注翰林院侍讀學士臣林蒲封

原任詹事府詹事兼翰林院侍讀學士今加七品銜臣陳浩

校對

日講官起居注翰林院侍讀學士臣齊召南

左

春

坊

左

諭 德臣羅源漢

日講官起居注翰林院編修臣陳大倫

翰林院

編

修臣陸樹本

翰林

院

編

修臣葉酉

翰林

院

編

修臣程景伊

翰林

院

編

修臣儲麟趾

翰林

院

編

修臣丘柱

翰林

院

檢

討臣程恂

翰林

院

檢

討臣阮學浩

翰林

院

檢

討臣萬松齡

翰林

院

庶

吉 士臣史貽謨

欽定四庫全書

通典
職名

校錄

舉

人臣劉湘

貢

生臣潘輝

貢

生臣謝霖

貢

生臣劉岱

貢

生臣杜桂

貢

生臣申居郢

貢

生臣楊志梁

貢

生臣李泓

貢

生臣盧殷人

武英殿監造

內務府南苑郎中兼佐領加七級紀錄二十次臣雅爾岱

內務府錢糧衙門郎中兼佐領加六級紀錄十六次臣永保

內務府錢糧衙門員外郎兼佐領加一級紀錄四次臣永忠

內務府廣儲司員外郎臣永泰

內務府廣儲司司庫加一級紀錄五次臣三格

欽定四庫全書

職名

監

造

加

一

級臣李保

監

造

加

三

級臣姚文彬

庫

掌臣虎什泰

庫

掌臣高永仁

欽定四庫全書

吏部十三

通典

政書類一通制之屬

提要

臣等謹案通典二百卷唐杜佑撰佑字君卿

京兆萬年人以蔭補濟南參軍事歷官至檢

校司徒同中書門下平章事守太保致仕諡

安簡事蹟具唐書本傳先是劉秩做周官之

法撫拾百家分門詮次作政典三十五卷佑

欽定四庫全書

通典

以為未備因廣其所闕參益新禮勅為此書

凡分八門曰食貨曰選舉曰職官曰禮曰樂

曰兵刑曰州郡曰邊防每門又各分子目自

序謂既富而教故先食貨行教化在設官故

次職官任官在於審材故次選舉人才得而

治以理乃興禮樂故次禮次樂教化驟則用

刑罰故次兵次刑設州郡分領故次州郡而

終之以邊防所載上溯黃虞訖於唐之天寶

前代以後間有沿革亦附載注中其中如食貨門之賦稅載周官貢賦而太宰所掌九貢之法失載載北齊租調之法河清三年令民十八受田輸租調而露田之數失載錢幣不載陳永定元年制四柱錢法權酷不載後周權酒坊法選舉門不載齊明帝時制士人品第有九品之科小人之官復有五等法考績不載宋齊間治民之官以三年六年為小滿遷換法職官門如周禮地官有舍人上士二人掌宮中之政乃云中書舍人魏置又隋書大業時改內史監為內書監乃僅云改內史侍郎為內書侍郎又集賢殿書院載梁有文德殿藏書不知宋已有聰明觀藏書之所以此之類未免間有挂漏兵門所列諸子目如分引退取之引退佯敗取之為二門分出其不意學其不備改其不進為三門未免稍涉

繁冗而火獸火鳥之類尤近於戲劇州郡門分九州以敘沿革而信都郡冀州當屬兗而誤屬冀又極詆水經及郡道元水經注為僻書詭誕不經未免過當邊防門所載多數萬里外重譯乃通之國亦有僅得其名不通朝貢者既不臨邊亦無事於防題曰邊防名實亦舛然其博取五經唐史及漢魏六朝人文集奏疏之有裨得失者每事以類相從凡歷代沿革悉為記載詳而不煩簡而有要元元本本皆為有用之實學非徒資記問者可比考唐以前之掌故者茲編其淵海矣至其各門徵引尚書周書諸條多存舊詁如食貨門引尚書下土墳壚注謂壚疎也與孔疎所引說文黑剛土也互異又瑤琨條瑤注條竹箭瑤大竹亦傳疏所未備職官門引周官太宰之屬有司會逆羣吏之治而聽其會計注云

逆謂受也受而鈎考之可知得失多少較實

公彥疏頗為明晰似此之類尤頗有補於經訓宋鄭樵作通志與馬端臨作文獻通考悉以是書為藍本然鄭多泛雜無歸馬武詳畧失當均不及是書之精核也乾隆四十一年五月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

通典原序

唐左補闕李翰撰

儒家者流博而寡要勞而少功何哉其患在於習之不精知之不明入而不得其門行而不由其道何以徵之夫五經羣史之書大不過本天地設君臣明十倫五教之義陳政刑賞罰之柄述禮樂制度之統究治亂興亡之由立邦之道盡於此矣非此典者謂之無益世教則聖人不書學者不覽懼冗煩而無所從也先師宣尼祖述堯舜憲章文武七十子之徒宣明大義三代之道百世可師而諸子云云猥復制作由其門則其教已備反其道則其人可誅而學者以多聞為廣見以異端為博聞是非紛然瀕洞茫昧而無條貫或舉其中而不知其本原其始而不要其終高談有餘待問則泥雖驅馳百家日誦萬字學彌廣而志彌惑聞愈多而識愈疑此所以勤苦而難成殆非君子進德修業之意也今通典之作昭昭乎其警學者之羣迷歟以為君子致用在乎經

欽定四庫全書

通典

邦經邦在乎立事立事在乎師古師古在乎隨時必參古今之宜窮終始之要始可以度其古終可以行於今問而辨之端如貫珠舉而行之審如中鵠夫然故施於文學可為通儒施於政事可建皇極故採五經羣史上自黃帝至於有唐天寶之末每事以類相從舉其始終歷代沿革廢置及當時羣士論議得失靡不條載附之於事如人支脉散綴於體凡有八門號曰通典非聖人之書乖聖人微旨不取焉惡煩雜也事非經國禮法程

欽定四庫全書

通典
原序

三

制亦所不錄棄無益也若使學者得而觀之不出戶知天下未從政達人情罕更事知時變為功易而速為學精而要其道直而不徑其文甚詳而不煩推而通放而準語備而理盡例明而事中舉而措之如指諸掌不假從師聚學而區以別矣非聰明獨見之士孰能修之淮南元戎之佐曰尚書主客郎京兆杜公君卿雅有遠度志於邦典篤學好古生而知之以大歷之始實纂斯典累年而成杜公亦自為序引各冠篇首或前史有闕申

高見發明以示勸戒用存景行近代學士多有撰集其最著者御覽藝文玉燭之類網羅古今博則博矣然率多文章之事記問之學至於刊列百度緝熙王猷至精至粹其道不雜比於通典非其倫也於戲今之人賤近而貴遠昧微而暗著得之者甚鮮知之者甚稀可為長太息也翰嘗有斯志約乎舊史圖之不早竟為善述者所先故頗詳旨趣而為之序庶將來君子知吾道之不誣也左補闕李翰序

欽定四庫全書

通典
原序

三

欽定四庫全書

史部十三

通典總目

政書類一 通制之屬

食貨 凡一千二卷

卷一 至 卷十二止

選舉 凡六卷

卷十三 至 卷十八止

職官 凡二十二卷

卷十九 至 卷四十止

欽定四庫全書

通典

禮 凡一百卷 歷代沿革六十五卷 開元禮三十卷

卷四十一 至 卷一百四十止

樂 凡七卷

卷一百四十一 至 卷一百四十七止

兵 凡一十五卷

卷一百四十八 至 卷一百六十二止

刑 凡八卷

卷一百六十三 至 卷一百七十止

州郡 凡一十四卷

卷一百七十一 至 卷一百八十四止

邊防 凡十六卷

卷一百八十五 至 二百止

其各卷細目詳載本門卷首

欽定四庫全書

通典

卷一百七十止

欽定四庫全書

通典卷一

唐 京兆 杜佑 君卿 纂

佑少嘗讀書而性且蒙固不達術數之藝不好章句之學所纂通典實采羣言徵諸人事將施有政夫理道之先在乎行教化教化之本在乎足衣食易稱聚人曰財洪範八政一曰食二曰貨管子曰倉廩實知禮節衣食足知榮辱夫子曰既富而教斯之謂矣夫行教化在乎

欽定四庫全書

通典

一

設職官設職官在乎審官才審官才在乎精選舉制禮以端其俗立樂以和其心此先哲王致治之大方也故職官設然後興禮樂焉教化隨然後用刑罰焉列州郡俾分領焉置邊防遏戎狄焉是以食貨為之首十二選舉次之六職官又次之二十禮又次之百樂又次之十刑又次之六大刑用甲兵十五卷州郡又次之十四卷邊防末之十六或覽之者庶知篇第之旨也本初纂錄止於天寶之末其有要須議論者亦便及以後之事

食貨

第一田制上

第二田制下 水利田 屯田

第三鄉黨 土斷 版籍並附

第四賦稅上

第五賦稅中

第六賦稅下

第七歷代盛衰戶口 丁中

欽定四庫全書

通典

二

第八錢幣上

第九錢幣下

第十漕運 鹽鐵

第十一鬻爵 權酷 算緡 雜稅 平準均輸附

第十二輕重

食貨一

田制上唐 周 秦 漢 後漢 晉 宋 後

穀者人之司命也地者穀之所生也人者君之所治也

有其穀則國用備辦其地則人食足察其人則徭役均知此三者謂之治政夫地載而不棄也一著而不遷也國固而不動則莫不生殖聖人因之設井邑列比閭使察黎民之數賦役之制昭然可見也自秦孝公用商鞅計乃隳經界立阡陌雖獲一時之利而兼井踰僭興矣降秦以後阡陌既弊又謂隱覈在乎權宜權宜憑乎簿書簿書既廣必藉眾功藉眾功則政由羣吏政由羣吏則人無所信矣夫行不信之法委政於眾多之胥欲紀

欽定四庫全書

通典

三

人事之衆寡明地利之多少雖申商督刑撓首總算亦不可得而詳矣不變斯道而求理者未之有也夫春秋之義諸侯不得專封大夫不得專地若使豪人占田過制富等公侯是專封也買賣由己是專地也欲無流竄不亦難乎陶唐以前法制簡略不可得而詳也及堯遭洪水天下分絕使禹平水土別九州其分別疆理所冀州厥土惟白壤無堤厥田惟中中第四兗州厥土黑墳色黑而墳起厥田惟中下第六青州厥土白墳厥田惟上下第三

徐州厥土赤墳土黏厥田惟上中第二揚州厥土惟塗

泥地泉厥田惟下下第九荊州厥土惟塗泥地泉厥田惟下中

第八荆河豫州厥土惟壤下土墳墟高者壤下者墳墟也厥田惟

中上第四梁州厥土青黎色青黑厥田惟下下第七雍州厥

土惟黃壤沃壤也厥田惟上上第一九州之地定壑者九百一十

萬八千二十頃虞夏殷三代凡千餘載其間定壑書冊

不存無以詳焉○周文王在岐今扶風郡岐山縣用平土之法

以為治人之道地著為本地著謂安土故建司馬法六尺為

欽定四庫全書

通典

四

步步百為畝畝百為夫夫三為屋屋三為井井十為通
通十為成成十為終終十為同同方百里同十為封封
十為畿畿方千里故丘有戎馬一疋牛三頭甸有戎馬
四疋兵車一乘牛十二頭甲士三人步卒七十二人一
同百里提封萬井戎馬四百疋車百乘此卿大夫采地
之大者是謂百乘之家一封三百六十六里提封十萬
井定出賦六萬四千井戎馬四千疋車千乘此諸侯之
大者謂之千乘之國天子之畿內方千里提封百萬井

定出賦六十四萬井戎馬四萬尺兵車萬乘戎卒七十
二萬人故曰萬乘之主小司徒之職乃均土地以稽其
人民而周知其數上地家七人可任也者家三人中地
家六人可任也者二家五人下地家五人可任也者家
二人鄭玄曰均平也周猶編也一家男七人以上則
以下地所養者寡也止以七人六人五人為率者有夫
有婦然後為家自二人以至十為九等七六五者為
其中可任謂丁強任力役之事者出老乃經土地而井
者一人其餘男女強弱相半其大數也
牧其田野九夫為井四井為邑四邑為丘四丘為甸四

欽定四庫全書

通典

五

甸為縣四縣為都以任地事而今貢賦凡稅斂之事此

造都鄙也來地制井田異於鄉遂重立國小司徒為經
之立其五溝五塗之界其制以井字因取名焉謂隰
之地九夫為牧二牧當一井今造都鄙授民田有不
有一易有再易通車二而當一井是謂井牧昔夏少康
在虞思有田一成有衆一旅一旅之衆而田一成則井
牧之法先古然矣九夫為井者方一里九夫所治之田
也四井為邑方二里四邑為丘方四里四丘為甸方
八里旁加一方則方十里為一成積百井九百為甸
六十四井五百七十六夫出田稅三十六井三百二十
四夫治洫四甸為縣方二十里四縣為都方四十里四
都方八十里旁加十里乃得方百里為一同也積萬井
九萬夫其四千九百六十井三萬三千六百六十四夫
出田稅二千三百四十井二萬七千六百六十四夫治
洫三百井三萬二千四百夫治澮井田之法備於一同今止

於都者采地食者皆四之一其制三等百里之國凡四
都一都之田稅入於王五十里之國凡四縣一縣之田
稅入於王二十五里之國凡四甸一甸之田稅入於王
地事謂農牧衛虞貢納九穀山澤之材也賦謂出車徒
給徭役也任土之法以物地事授地職而待其政令任土者
勢所能生育且以制貢賦也物物色之以以厘里任國
知其所宜之事而授農牧衛虞使職之以以厘里任國
中之地以場園任國地以宅田士田賈田任近郊之地
以官田牛田賞田牧田任遠郊之地以公邑之田任甸
地以家邑之田任稍地以小都之田任縣地以大都之
田任疆地

欽定四庫全書

通典

六

圖為之園宅田者致仕之家所受之田也士相見禮曰
宅者在邦則曰市井之臣在野則曰草茅之臣士讀為
任仕亦受田所謂圭田也孟子曰自卿以下必有圭田
圭田五十畝賈田在市賈人其家所受田也官田庶人
在官者其家所受田也公邑謂六遂餘地天子使大夫治
也賞田者賞賜之田公邑謂六遂餘地天子使大夫治
之自此以外皆然家邑大夫之采地小都卿之采地大
都公之采地王子弟所食邑也疆五百里王畿界也皆
言任者地之形實不方井如圖受田邑者遠民受田上
近不得盡如制其所生貢賦貢取正於是耳
田夫百畝中田夫二百畝下田夫三百畝歲耕種者為
不易上田休一歲者為一易中田休二歲者為再易下
田三歲更耕之自爰其處爰於也更謂三歲即
與別家佃以均厚薄農民戶

人已受田其家眾男為餘夫亦以口受田如比必比例也

士工商家受田五口乃當農夫一人口田二此謂平土必寐反

可以為法者也若山林藪澤原陵淳鹵之地淳盡也澤鹵之田不

生穀各以肥磽多少為差磽磽確謂瘠薄之田民年二十受田六十

歸田七十以上上所養也十歲以下上所長也十二以

上上所強也勉強勸之孟子曰夫仁政必自經界始經

界不正井地不均穀祿不平是故暴君汚吏必慢其經

界經界既正分田制祿可坐而定也秦孝公任商鞅鞅

欽定四庫全書通典卷一

以三晉地狹人貧三晉韓趙魏三卿今河東道之地秦地廣人寡故草

不盡墾地利不盡出於是誘三晉之人利其田宅復三

代無知兵事而務本於內而使秦人應敵於外故廢井

田制阡陌任其所耕不限多少孝公十二數年之間國

富兵強天下無敵○漢孝文時民近戰國皆多背本趨

末賈誼說上曰古之治天下至纖至悉故其畜積足恃

今背本而趨末遊食者甚眾是天下之大殘也本農桑也末工

商也言人已棄農而務工商矣其漢之為漢幾四十年

食未粟者又甚眾也殘謂傷官

矣幾近公私之積猶可哀痛言年載已多而無儲積即不幸有方二

三千里之旱國胡以相恤卒然邊境有急數十萬之眾

國胡以餽之兵旱相乘天下大屈今歐人而歸之農皆

著於本使天下各食其力末伎遊食之民轉而緣南畝

言皆趨農作則畜積足而人樂其所矣帝感誼言始開籍田

躬耕以勸百姓詔曰夫度田非益寡而計民未加益謂度

計以口量地其於古猶有餘而食之甚不足者其咎安

在無乃百姓之從事於末以害農者蕃蕃多為酒醪以

飲定四庫全書通典卷一

靡穀者多靡散也靡六畜之食焉者眾與細大之義吾

未能得其中仲其與丞相列侯吏二千石博士議之

有可以佐百姓者率意遠思無有所隱也晁錯復說曰

聖王在上而民不凍餒者非能耕而食之織而衣之食

曰為開其資財之道也故堯禹有九年之水湯有七年

之旱而國亡捐瘠者捐謂人饑相棄捐也瘠瘦病也言無相棄捐而瘦病者以畜

積多而備先具也今海內為一土地人民之眾不避湯

禹加以亡天災數年之水旱而畜積未及者何也地有

於是賣田

平音
行宜